

Iisussa Hristossa synty

1 Niinä päivinä tuli Riiman keisarin Aukustin käsky, jotta ruvetah laatimah koko muassa väjenkirjutuslistoja. 2 Tämä oli ensimmäini väjenkirjutus, ta se oli siih aikah, konsa Siirijua halličči Kvirnie. 3 Kaikin mäntih kirjuttautumah, jokahini omah kaupunkih. 4 Joosefiki läksi Nasaretin kaupunkista, kumpani oli Galileijassa, ta mäni Iutijah, Tuavitan kaupunkih Viflejemih. Sentäh kun Joosefi oli Tuavitan suvusta, hiän läksiki 5 kirjuttautumah sinne yhessä Muarien kera, hänen kera kihlatun, kumpani kanto lasta. 6 Konsa Muarie ta Joosefi oltih Viflejemissä, tuli Muariella lapsensuanta-aika, 7 tai sai hiän pojan, ensimmäaisen lapseh. Hiän kapaloičči lapsen ta pani hänet soimeh, sentäh kun heilä ei löytyn tilua matkustajien talossa. 8 Siinä paikassa pellolla oli paimenie varteiččomassa yöllä omieh lampahieh. 9 Ta Isännän anhelii ilmesty heilä ta Isännän kirkkaus ympäröičči hiät; ta paimenet äijälti põlässyttih. 10 Anhelii sano heilä: «Elkyä varakkua. Mie tulih sanomah teilä hyvyä viestie: suuri ilomieli tulou kaikilla ihmisillä, 11 sentäh kun tänäpäinä Tuavitan kaupunkissa synty teilä Pelastaja, kumpani on Messija, Isäntä. 12 Kaččuot, mitein tunnetta hänet: soimessa työ löyvvättä ripakkoih kiärityn platenččan». 13 Yhtäkkie anhelii luo jääviyty suuri taivahallini sotajoukko, ne ylissettih Isäntyä sanoilla: 14 «Kunnivo Jumalalla taivahissa, a muan piällä olkah rauha ihmisien välissä, kumpasie hiän suvaččou!» 15 Kun anhelii lähettih heijän luota taivahah, paimenet sanottih toisillah: «Läkkä Viflejemih kaččomah, mitä sielä on tapahtun, mistä Isäntä meitä tiijotti». 16 Hyö kiirehesti lähettih Viflejemih ta löyvvettih sielä Muarie, Joosefi ta platenčča, kumpani makasi soimessa. 17 Nähtyöh platenččan, paimenet kerrottih, mitä anhelii sanottih heilä lapsesta. 18 Kaikin, ket kuultih, kummeksittih paimenien sanomua. 19 Muarie pani kaikki nämä sanat syväimeh, ta koko ajan smietti niitä ičekseh. 20 Paimenet myössyttih omah karjah luoksi, ylissettih ta passipoitettih Jumalua siitä, mitä hyö suatih kuulla ta nähä. Kaikki tapahtu justih niin, kun heilä oli sanottu.